

KJKP "RAD" d.o.o. SARAJEVO

-DIREKTOR-

Broj: 05-03-04- /19

Sarajevo, 06.11.2019. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor donosi

ODLUKU

o izboru najpovoljnijeg ponuđača za nabavku rezervnih dijelova za građevinsku mehanizaciju Trilety – LOT 4

I

Kao najpovoljnijeg ponuđača za nabavku rezervnih dijelova za građevinsku mehanizaciju Trilety – LOT 4, odabiram ponudu ponuđača "INTER AUTO" d.o.o. Sarajevo.

OBRAZLOŽENJE

KJKP "RAD" d.o.o. Sarajevo je dana 06.09.2019. godine na portalu javnih nabavki BiH objavilo Obavještenje o nabavci kroz otvoreni postupak sa međunarodnom objavom obavještenja za izbor najpovoljnijeg ponuđača za nabavku rezervnih dijelova za građevinske mašine, sa rokom dostave ponuda 24.10.2019. godine.

Po otvorenom postupku za nabavku pristigla je jedna (1) ponuda i to ponuda ponuđača „INTER AUTO“ d.o.o. Sarajevo.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je sljedeće:

- Ponuđač „INTER AUTO“ d.o.o. Sarajevo je u svojoj ponudi, a po Tehničkoj specifikaciji Ugovornog organa, za dvije stavke ponudio jediničnu cijenu u iznosu od 0,00 KM, kao i ukupnu cijenu od 0,00 KM:
2.20. Šlauf za pranje 5 mtr; Kat. Br. 08-621-8005
3.6. Zaptivač, Kat. Br. 05-447-8701

Komisija je ponuđaču uputila zahtjev za pojašnjenje ponude broj 05-03-07-20284/19 dana 30.10.2019. godine. Ponuđač „INTER AUTO“ d.o.o. Sarajevo je dostavio pojašnjenje ponude dana 01.11.2019. godine, u kojem navodi da je ponudio cijene u iznosu od 0,00 KM iz razloga što se kataloški broj za 2.20. Šlauf za pranje: 5mtr; Kat. Br.:08-621-8005 prestao koristiti; a što je za 3.6. Zaptivač, Kat. Br.: 05-447-8701 nepoznati kataloški broj.

Nakon dostavljenog pojašnjenja od strane ponuđača, Komisija je ocijenila da je ponuda ovog ponuđača prihvatljiva i potpuna.

Obzirom da se radi o otvorenom postupku javne nabavke kojim je previđeno sklapanje Okvirnog sporazuma sa jednim ponuđačem a da je broj prihvatljivih ponuda jedna (1), i da je kriterij za odabir najpovoljnije ponude najniža cijena, od strane Komisije utvrđeno je da je zadovoljena stvarna konkurencija i daje preporuku Ugovornom organu da ponudu ponuđača „INTER AUTO“ d.o.o. Sarajevo prihvati kao prihvatljivu, budući da je dostavio svu potrebnu dokumentaciju i ponudio ukupnu cijenu od 663.144,96 KM bez uračunatog PDV-a.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP"RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

**DIREKTOR KJKP „RAD“
Vera Arnautović, dipl. pravnik**

DOSTAVITI:

- Ponuđačima;
- a/a